

# Gom-koεg sēn nafde, n kō lslaam paalā

Sεglgā

Muhammad Aššahrii

1441 – 2020

Ne Wēnd Yuurā Albarka, sēn yaa Dūni gūbg n yols Naabā, n yaa yaoleem daar welg n yols Naabā

## Gomd tuusgo

Ad pēgr be ne Wēnde, ti d pēgd-A la d kot-A sōngre, la d kot-A yaafa, la d kot Wēnd gūudum n yi d mensā wēnga la d tuumā wēnga. Wēnd sēn kānd a soaba, ned pa tōe n menes-a ye, la A sēn menes a soaba, kāndgd pa be ne-a ye, la m maanda kaseto, ti Soab hakuk pa be rēnda Wēnde, A yaa Yembre, lagm-n-taag pa be ne-A ye, la m maand kaset t'a Mohammad yaa A yamba la A Tēn-tuuma.

Rē loogre poorē:

Wēnd waooga a Adam koambā la A yūs-ba A bōn-naandsā wusg fāa zugu, A yeelame A naam zēkame: ( La sīda Tōnd waooga a Adam koambā ) [Al-Israa'u: 70] La A paasa zāmā-kāngā waoogrā n tums b nengē, A Nabiyaam-dāmba sēn yudā wā a Muhammad -Wēnd puusg la A tilgr be a yīnga- la A sik n kō-ba A gaf-rāmba sōmblem sēn yudā, sēn yaa Alkurāan wagellā, la A yar b yīnga dīin-rāmbā A sēn tuk n kō nebā zīslēm sēn yudā wā, yē me la Līslaoongā, A yeelame, A Naam zēkame: (Yāmb yaa zāma sēn yūd sōmblem ti b yūs-b neba yīnga, yāmb sagenda ne manegre, la y gidgd sēn kisā, la y kōt sid ne Wēnde, la ti Gafā rāmb sā n da kō sīda, rag n na yī sōma ne-ba, sīd kōtb n be b pugē, la b wusgā fāa yaa Dīin-yitba) Aalu-imraan: 110. La sēn be Wēnd neema kāsemsā pugē A sēn maane n kō nīnsaalā yaa A sēn na n lok-a ne kāndgre n tug Līslaoongā, la tablgo a zugu, la tum ne a buud-rāmba la Šari-rāmbā, la be seb-kāngā pugē bedremā sēn yaa kidgā ti sēn be a pugē wā yaa bedrā, tuub paalg karemda būmb ninga a sēn pa sōmb n zī-a a Līslaoongā singrē ne na-kēndr sēn kuug koεega, n vēnegd n wīnigd-a dīin-kāngā sēn yaa zīsgā todsā, halī t'a sā n wa fahm-a n tum wala a sēn togsā a kēeda bāngrā bāoob pugē la wusgr a pugē sēn na yī t'a minimā ne a Soabā paase, A naam zēkame, la a Nabiyaamā - Wēnd puusg la A tilgr be a yīnga-, la a Dīina sēn yaa Līslaoongā; t'a tūud Wēnde ne vēnem la bāngre, t'a sūurā yōgneg t'a sīd-kūuna paasdē ne a sēn pēnegd Wēnd ne tūudmā, la a Nabiyaamā Sunnah pugb a Muhammad- Wēnd puusg la A tilgr be a yīnga-,

La Wēnd la m kot bark gom-bill fāa sēn be seb-kāngā pugē, la A naf ne-a Līslaoongā la līslaambā, la A maan-a ti yaa Yē A yembr yīnga, la A kō a keorā līslaambā fāa gilli, sēn vi la sēn ki.

La Wēnd na puus la A tilg tōnd Nabiyaamā a Muhammad, la a zak rāmbā la a Šahaabsā gilli.

Muhammad Ibn Aššubah Aššahrii

2 / 11 / 1441 H

## Mam Soabā yaa Wēnde

A yeelame, A Naam Zēkame: (yaa yāmb a nebaa, tū-y y Soabā, sēn naana yāmb la sēn dengb yāmb taorā, ti sānd-sānde y na paam Wēnd-zoεega) [Albakara 21] A yeelame A Naam Zēkame: (Yē la Wēnde! Soab sēn kae ti sā n pa Yēnda) [Al-hašru: 22]. A yeelame, A Naam Zēkame: (Būmb pa be n wōnd-A ye, la Yēnda la wūmda n yaa neta) [Aššūuraa: 11]

• Wēnde la mam Soaba.la būmb fāa Soaba, sēn yaa Soada, sēn yaa Naanda, n yaa Rūgda, n kēnesd būmbā fāa gilli.

• Yēnda A Yembr tāa n sōmb ne tūudum, soab ka be ti sān ka Yē ye, soab tūudug me ka be ti sā n ka Yē ye.

• A tara Yui sēn manege, la sīf-rāmb sēn zēke, A sēn tablg ne A Menga, la A Nabiyaamā me leb n tablg A yīnga, Wēnd puusg la A tilgr be a yīnga, taa tekē, pidbē la sōmblem, la būmb ka be n yaa wala Yē ye, Yē me n yaa Wūmda, n yaa Neta.

Sēn yi A yui wā sēn manegā pugē:

A yaa Rūgda, n yaa Yolsg Naaba, n yaa Tōogda, n yaa Naaba, n yaa Wūmda, n yaa Tilgre, n yaa Neta, n yaa b sēn Bobend a soaba, n yaa Naanda, n yaa Bugsgo, n yaa Səkda, n yaa Yaafda.

n yaa Rūgda, sēn yāsa ne yembsā rūgr yelle, b sūyā la b yīnsā sēn zemsd ne būmb ningā.

n yaa yolsg Naaba, n yaa yols kasēng Soaba, yolsg ning sēn gūbg būmbā fāa gilli

n yaa Tōogda, n yaa tōog Soab sēn pidi, tōog ning kongr sēn ka tat-a, bas-n-vuus me ka be a pugē.

n yaa Naaba, Yēnda la b sēn sīf ne zīslēm sīf-rāmba la modgre la kēnesgo, n so būmbā fāa gilli, Yēnda n maand A sēn ratā a pugē.

n yaa Wūmda, A wūmda bōn-wūmdī wā gill fāa, b sēn solg la sēn vēnege.

n yaa Tilgre, A tilgame n yi boogr fāa la bāaga la zanga.

n yaa Neta, n yaa Soab ning Nenemā sēn gūbg būmbā fāa gillā, baa t'a sā n tug n bāaname n paoodē, Yēnd n ne yelā fāa gilli, n yaa nimim tēng-m-biig ne-ba, n yaa sēn Lik n nē b pusā fāa gilli. b sēn bobend a Soabā, n yās ne A bōn-naandsā rlgre, n yās ne-ba, buil yīng ti b yelā na menese, Yēnda n lambg A noang-n-taasā, n maneg n yols b yīnga, la A sek-b n yi yelā fāa. n yaa Naanda, Yēnda la yelā Yusda la b Yēbgda, ti ka sēn da ges būmb a to n maan ye. n yaa Bugsgo, Yēnda n waoogd A yembsā la A yolsd-ba, la A kōt-b b sēn kote. Yēnd n sekda A yembsā, b sēn tar tulsem ne būmb ning fāa, la Yēnda me la b leb n sekda b mense ne A Sōngrā, n yi zēng sēn ka Yē fāa, b leb n sekda b mens ne-A n yi būmbā fāa gilli. n yaa Yaafda, Yēnda n gūud A yembsā n yi b zunuubā wēnga, n ka stbgd-b a zug ye. Lislaam tagsdame n getē Wēnd naanegā yel-soalema la A sēn yols yelā, sēn be rēnda pugē, yaa bon-naandsā sēn get sōma b koam-bāanegā, n tar yā-beedo n na n rlg-ba, n leb n ning b toaag a pugē hal n tall-a n ges hal t'a wa tōe n ti tik a menga, rēnd ylgre be ne sēn naana bāmbā wā, n leb n buke sēn yi A Bukrā pugē, ne A sēn segle n kō bōn-naandga būmb ningā sēn na sōng-a wā, n leb n maneg a halhaalā, n logem ne a sēn yaa valangā fāa.

## **Nabiyaama a Muhammad, -Wēnd puusg la A tlgre be a yīnga-**

A yeelame A Naam Zēkame: (Sid la hakuka, Tēn-tuum waa yāmb nengē sēn yi yāmb pugē, yaa toog a zug būmb ning sēn namsd yāmbā, n maan yā-beed ne yāmb na kānde, n yaa nimbāan-zoeta n yaa yolsda ne sid-kōtbā) [Attaooba: 128]. A yeelame A Naam Zēkame: (La Tōnd pa tums foom rēndame ti yaa yolsgo ne bōn-naandsā fāa gil yīnga. [Al-Anbiya'u:107]. A Muhammad -Wēnd puusg la A tlgre be a yīnga- a yaa Yolsg ninga b sēn kō (bon-naandsā). Yēnda la a Muhammada, n yaa a Abdullaah biiga, Wēnd puusg la A tlgre be a yīnga, n yaa nabiyaam-rāmbā la tēn-tuumbā Pidsda, Wēnd tums-a lame- A Naam zēkyā- ne lislaoongā dīni, n tug nebā fāa nengē, buil yīnga t'a pēeg-b n tug sōma, la sēn tug n yud fāa, yaa Wēnd yeembgo, la a gū-b n yi wēngā, la sēn tug n zis n yud fāa, yaa lagem-n-taare. A tūub yaa tilae a sēn sagl būmb ning fāa gillā pugē, n leb n yaa tilae ti b sidg-a a sēn kō kibay ninsā, la b zoe n zāag a sēn gidge la a bugsi ti b bas yel ninsā, la b ra leb n wa tūud Wēnde, rēndame ti yaa ne būmb ninga A sēn tuki ti yaa Šari n kō tōndā. A tēn-tumdā la tēn-tuumbā sēn reng taorā fāa tēn-tumdā, yaa bool n tug Wēnd tūdūm, A Yembre, lagem-n-taag ka be ne-A ye. Sēn be A sif-rāmbē wā, -Wēnd puusg la A tlgre be A yīnga-: Yaa sida, la yolsgo, la sū-toogre, la sugri, la sū-keelem, la kūuni, la zug-sōngo, la tēeg turga, la gāneg-m-menga, la bas-ti-looge.

## **Alkurāan wagellā yaa mam Soabā goama.**

A yeelame A Naam Zēkame: {Yāmb a neba! Sida tikr waa yāmb nengē sēn yi y Soabā nengē, la D sikame ti wa yāmb nengē vēenem sēn vēnegde.} [Annisa'u: 174 ] Alkurāan wagellā yē yaa Wēnd gom A naam zēkame, A sēn sik a soab A Nabiyaamā zugā a Muhammad - Wēnd puusg la A tlgre be a yīnga- sēn na yil t'a yiis nebā ligsē wā n tug vēenemē wā la a peeg-b n tug so-turgā. Ned ning sēn karm-a a paamda keoor sēn yaa bedre, la sēn tumā ne a kāndegrā a nka so-turgā.

## **M rat n na n bānga Lislaongā zeng-raadā**

A yeelame, -Wēnd puusg la A tlgre be a yīnga-: (B mee lislaoongā zeng-raad a nu zugu, yaa maan kaset ti soab hakuk ka be ti sā n pa Wēnd ye, la a Mohammad yaa Wēnd Tēn-tuuma, la yānes ne Puusgā la yāk Zakā n kise, la Ramadaanā no-loeere, la Mak Roogā kaagre). Lislaongā zeng-raadā yaa tūdūm-dāmba sēn zao Lislaam fāa, la ninsaal lislaoong ka manegde, rēndame t'a loe a sūurē wā ti b yaa tilae la a maan-b fāa: bala Lislaongā mee b zug, rē n kit ti b pud-a ti Lislaongā zeng-raado. la zeng-ra kāensā la woto: rēenem zeng-raoogā: yaa kaset maanego ti Soab kae sēn tōe n tū n tlgre ti sān pa Wēnd ye, la a Mohammad me yaa Wēnd Tēn-tuuma. A yeelame A Naam Zēkame: (Bī f bāng ti sēn yalē yaa ti Soab sēn tūud n tlgre ka be rēnda Wēnde) [Muhammad: 19]. A leb n yeelame A Naam Zēkame: (Sid la hakuka Tēn-tuum waa yāmb nengē sēn yi yāmb pugē, yaa toog a zug būmb ning sēn namsd yāmbā, n maan yā-beed ne yāmb na kānde, n yaa nimbāan-zoeta n yaa yolsda ne sid-kōtbā) [Attaooba: 128]. Maan kaset ti Soab ka be rēnda Wēndā maana: b sēn tūud ti yaa sid ka be rēnda Wēnde.

A Muhahmmad yaa Wënd Tën-tuumä võore: yaa sak n tū-a, a sēn saglā pugē, la a sidgre a sēn kō kibay ninsā, la b zoe n zāag a sēn gidg la a bugsi ti b bas yel ninsā, la b ra wa tū Wēnde rēnda ne būmb ninga A sēn tuk ti yaa Šari wā.

Zeng-raoog a yibē soaba:yaa Puusgā yalogo

A yeelame A Naam Zēkame: (la y yānes ne Puusgā) [Al-bakara: 110].

Puusgā yānesgā yita ne a kīsgo wala neng ning Wënd sēn saglā A Naam zēkame, t'A Tën-tuumä wīnig-a tōndā a Muhammad -Wënd puusg la A tilgr be a yīnga-.

Zeng-raoog a tāabē soaba: yaa Zakā kūuni.

A yeelame A Naam Zēkame: (la y kō Zakā) [Al-bakara: 110].

Wënd maana Zakā ti yaa tilae n yaa zarb-n-gesga ne līslaam sid kūuna sidem, n leb n yaa bark puusg ne a Soabā ne A sēn kō-a sēn yaa arzekā neemā wā, n leb n yaa sōngr ne talsā la tulsmā-rāmba.

La Zakā kūuna yita ne b sēn na n kis-a neb nins sēn sōmb ne-a wā.

La a yaa hake señ yaa tilae n be arzekā pugē t'a sā n wa ta sōor ninga, b kōt-a la kōbg a nii ti Wënd togs-b Alkurāan wagellā pugē, talg la nimbāan-ned be b pugē.

La a kūunā pugē bilgr bee beenē sēn yaa yolsgo la nimbāan-zoeere, la yilgre ne līslaam zugdā la a arzekā, la yard paoongo talsā la ninbāan-nebē wā, n kengd noanglemā la ma-biirā tōkre nebā ne taab suka līslaambā zāmā pugē, rē yīnga n kit ti līslaam turg a yiisda-a lame n kō ne a yōor yamleoogo t'a sūurā noom ne a kūunā, būmb ning sēn be a pugē sēn yaa sū-noog kēesg kēesg neb a taabē wā yīnga.

La arzekā Zaka yākrā a sōorā yaa 2.5% sēn yi arzek ning sēn bingā sēn yaa Sānem la Wanzur la ligdā la laogā b sēn segleg ti yaa koosem yingā n baood yōodā, t'a waooglemā sā n ta sōor sēn yāk toaaga n gilg n sog yuumd ti pidi.

Wala Zakā sēn yaa tilae ne ned sēn na n tar rūms t'a sā n ta sōor ninga ( yugmā wā la niisā la rūmsā), ti b sā n yaa rūm-daagdī yuumdā rasem-dāmb wusga fāa ti pa b soabā n rilgd-b ye.

La woto bala Zakā yaa tilae būmb ning sēn yit tēngē wā sēn yaa bōn-bεεla la ti-biisā la Sānem-dāmbā la tēngā arzeg bugdsā ti b sā n ta waooglem ninga.

Zeng-raoog a naas soaba: yaa Ramadaan kiuugā no-loeere

A yeelame A Naam Zēkame: { yāmb a neb nins sēn kō sid ne Wēndā b rogla yāmb no-loeerā wala b sēn dogl sēn deng-b yāmb taorā sānd-sānde y na zoe Wēnde} Al-bakara:183

Ramadaana yē: la kiuug a wae soaba sēn yaa Higrā wā geelg pugē, la a yaa kiuug b sēn zisgde līslaambā nengē, a tara ziir sēn welge n yi yuumdā kiisā sēn kellā, la a zāngā fāa noorā loeesā yaa līslaangā zeng-raad a nu wā yembre.

Ramadaanā no-loeerā yē: yaa tūudm ne Wēnde A naam zēkame ne yōk-m-menga n yi rūbo la yūubu la kēed-n-taare, la sēn kaood noorā fāa, n singd tōd-beoogā n ti tāag wīndgā louise Ramadaanā kiuugā sēn yaa Albarkā woglmā gilli

Zeng-raoog a nu soaba: Yaa Wënd Lohorom Roogā kaagre.

A yeelame A Naam Zēkame: {la roga nebā ti b kaag Roogā Wënd yīnga, sēn paam a sor n na tug be,} [Aalu- [mraan: 97]. Hagiimdā yitame ne ned sēn tar sor tōogo n tug beenē, a yaa vugri vumā pugē, yē me yaa Lohorom Roogā toglo la zīis nins sēn yaa zī-yilma sēn be Maka, n tug n maan tūudum-rāmba b sēn mi, wakat-rāmba b sēn mi pugē, la sid la hakuka, Nabiyaama-Wënd puusg la A tilgr be a yīnga- maana hagiimdā, la nabiyaam-rāmb me sēn ka yēnda maana hagiimdā sēn reng yē taoore, la Wënd sagla a [braahim tilgr be a yīnga, t'a bool nebā ti b wa maan hagiimdā, wala Wënd sēn togs rēnda, Alkurāan wagellā pugē, A Naam zēkame, n yeele: {La moon n bool nebā ti b wa maan hagiimdā. B na n waa fo nengē n kēnd nao la ne rūm-zombds buud toor-toore, n yit zī zārg fāa n watē.} {Al-hağ 27}

## **M rat n na n bānga Sid-kūunā (Lumaongā) zeng-raado:**

B soka Nabiyaamā -Wënd puusg la A tilgr be a yīnga- Sid-kūun sēn yaa a soaba, t'a yeele: (Yaa f kō sid ne Wēnde, la A malēgsā la A Gaf-rāmbā la A tēn-tuumbā la laahr (yaoolem) daarā, la f kō sid ne kordgā (A Pulungā), a noogo la a toogo) Sid-kūunā zeng-raadā, bāmb la sūurē tūudum-rāmbā, sēn ya tilae n zao ne līslaam fāa gilli, la ninsaal līslaong ka manegde, rēndame t'a loe a sūurē wā ne-a n wāage, rē n kit ti b pud-a ti sid-kūun (lumaongo) zeng-raado, la yēnda ne līslaongā zeng-raadā welgrā, yaa ti līslaongā zeng-raadā, bāmb yaa tuumd sēn yaa vēenega, ti ninsaal maand-b ne a yīn-wilā, wala fo sēn na n yeel Kaset (Šahd) a yibē la Puusgā la Zakā, la sid-kūunā (lumaongā) zeng-raadā bāmb yaa sūurā tuuma ti ninsaal maand-b ne a sūurā, wala: kō-sid ne wēnde la A Gaf-rāmbā la A Tēn-tuumbā.

Sid-kūunā sēn rat n na n yeelgā la a vōorā: la yēnda yaa sūurā sidgrā sēn loe ne Wēnde, la A malēgsā, la A Gaf-rāmbā la A Tēn-tuumbā, la yaoolem raarā, la Alkadrā (Pulungā), a noogo, la a toogo, la Nabiyaamā sēn wa ne būmb ningā pugbo -Wënd puusg la A tilgr be a yīnga- la a maanego: n gom ne zelemde, wala

yeelgo: "ti soab ka be ti sã n ka Wëndã". La Alkurãanã karengo, la Subhaanallaah la Laa'laaha [lallaah maanego, la Wënd pëgrã.

a leb n yaa tuuma ne yîn-wil nins sën vënegã, wala Puusgo, la no-loeere, la hagiimdu, la yîn-wil nins sën solgã, sën yag ne sũurã, wala Wënd noanglemã la A zoesã la bobl-f-meng ne-A, la maan pu-peelem ne-A.

La bãngdbã togsd-a la koεeg-koεega, ti yënda yaa: loεeg ne sũuri, la yeelg ne zelemde, la tum ne yîn-wila, a paasdame ne tũudum, n poogd ne Wënd kusgo.

Zeng-raoog rãeenga: yaa kõ-sid ne Wënde

A yeelame A Naam Zékame: {Ad sid-kõtbã la neb nins sën kõ sid ne Wëndã } [Annuur 62]

Kõ-sid ne Wëndã, tũuda ne A yembgo A Rubuubiya wã pugë (sobendë wã,) la A Ulubhiya wã pugë (A tũubë wã) la A Asmaa'u pugë ( A yuy wã) la A Sifaatë wã ( A sif-rãmbë wã) yë me yaa bũmb sën kumbd sën watã:

Yaa f kõ sid ne A belmã, A Naam yilgame n zëke.

Kõ-sid ne A sobendã, (Rubuubiya) A Naam yilge n zëke, la A yaa bũmbã fãa Soada, la a naanda, la a rilgda, la a yellã Rabsda.

Yaa kõ-sid ne A Ulubhiya wã (A tũudmã), A Naam yilgame, la yaa Yë me n sõmb ne tũudumã Yënd A Yembre lagem-n-taag ka be ne-A bũmb baa a yembr pugë ye: sën be b pugë: yaa Puusgã, la doaag kosgo, la pulungo, la kodgre, la sõngr kosgo, la gũudum kosgo, la tũudum-rãmbã fãa gill a taabã.

la kõ sid ne A Asmaa'u wã ( A yuyã) sën maneg zãngã la A sif-rãmbã sën zëkã, A sën sif A Mengã ne wã, maa A Nabiyaamã sën sif-A ne wã -Wënd puusg la A tũgr be a yĩnga- la fo bas bũmb ning Wënd sën ka sif ne-A mengã, maa A nabiyaamã me ka sif-A ne-a -Wënd puusg la A tũgr be a yĩnga- sën yaa yuy la sif-rãmba, la kõ sid t'A yuyã la A sif-rãmbã, b taa tãka pidb la sõmblem wεengë, la ad bũmb ka be n wõnd-A, Yë n leb n yaa Wumda n yaa Neta.

Zeng-raoog a yiib soaba: yaa kõ-sid ne malëgsã

A yeelame A Naam Zékame: {Pëgr be ne Wënde, sën yaa saas la tẽng Naandã, sën maana Malëgsã ti yaa tẽn-tumdbã, sën tar pigs a yiib-yiib la tãab-tãab la naas-naase, A paasda A sën dat naanegã pugë, ad A yaa bũmb fãa Tõoda.} [Faatũru 1]

D kõta sid ti malëgsã yaa dũni sën solg ne tõndo, la ad b yaa Wënd yembse, A naan-b lame ne nuura (vënem), n maan-ba ti b yaa tũudba, n yaa gãneg-m-mens-rãmb ne-A.

La bãmb yaa bõn-naands sën yaa wusgo, b pãngã la b sõorã ka tõe bãng a tãka sã n ka Wënde A Naam zëk yã, la b yembr fãa tara sif-rãmba la yuy la tuuma Wënd sën welg ne-ba, la sën be b pugë yaa a Gibriil tũgr be a yĩnga, b sën bobl a soab ne Wahũ wã, t'a sigd ne-a n yi Wënd nengë A Naam zékame, n tugd A tẽn-tuumbã nengë.

Zeng-raoog a tãab soaba: yaa kõ-sid ne Gaf-rãmbã

A yeelame A Naam Zékame: {Yeel-y: "d kõo sid ne Wënd la A sën sik n kõ tõndã la A sën sik n kõ a [braahum la a [smaaul la a [shaak la a Ya'akuub la Yagensã la b sën kõ a Muusa la [isa la b sën kõ Nabiyaam-rãmbã sën yi b Soabã nengã wã, tõnd pa welgd baa a yembr b pugë ye, tõnd me yaa sak-n-tũ-rãmba ne-A} [Al-bakara: 136]

Kõ-sid sën kenge, ti ad Gaf-rãmb nins sën sig saasë wã fãa gilli, yaa Wënd goama.

la ad b sik-b lame n yi Wënd nengë A naam yi wagelle n zëke, n kõ A Tẽn-tuumbã, ti b tug ne A yembse wã, ti yaa sãda sën yaa vënega.

la d kõ sid ti Wënde, A Naam yi wagell n zëke, A sën tums A Nabiyaam a Muhammadã -Wënd puusg la A tũgr be a yĩnga- n tug nebã fãa gill kεp nengë wã, A yëesa ne a Muhammad Šari wã Šari-rãmb a taab nins sën da reng taorã, la A maan Alkurãan wagellã, ti yë yaa sën wa n ta n yãmb gaf-rãmb nins fãa sën da reng taor n sig saasë wã, a leb n yëes-ba, la ad Wënde, a reega A zugë, n na n gũus Alkurãan wagellã n yi tedgr buudu, maa toeengo, t'A yeele, A Naam Zékame: {Ad yaa Tõnd n sik Alkurãanã, la ad yaa Tõnd n na n gũ-a.} [Al-hiğri 9], Bala Alkurãan wagellã, la Wënd Gaf-rãmbã baasdga, A Naam zékame, n tug ninsaalbë wã, la A Nabiyaam a Muhammad -Wënd puusg la A tũgr be a yĩnga- yë la tẽn-tuumbã fãa baasdga, la lãlaoongã dīinã, yë la dīin ninga Wënd sën yar-a ne ninsaalbã, n na n tug n tãag dũni yikri, Wënd yeelame, A Naam zékame: {Ad Dīinã Wënd nengë yaa Lãlaoongã} [Aalu- [mraan: 19].

La saasë Gaf-rãmb nins Wënd sën togsb-a -A naam zëk yã- A Gafã pugë wã, bãmb yaa:

Alkurãan wagellã: Wënd sik-a lame, A nabiyaam a Muhammad zugu -Wënd puusg la A tũgr be a yĩnga- Taoraatã- Wënd sik-a lame, A Nabiyaam a Muusa zugu, tũgr be a yĩnga.

Lingiilã: Wënd sik-a lame, A Nabiyaam a lisa zugu, tũgr be a yĩnga.

Zabuurã: Wënd sik-a lame, A Nabiyaam a Daawud zugu, tũgr be a yĩnga.

A [braahum gaf-rãmbã, Wënd sik-b lame, A Nabiyaam a [braahum zugu, tũgr be a yĩnga.

Zeng-raoog a naas soaba: yaa kō-sid ne tēn-tuumbā

A yeelame A Naam Zēkame: {La ad Tōnd tumsame ti kēng zāma fāa nengē Tēn-tuuma, (t'a yeel-ba): "tū-y Wēnd la y zāag rubsā}. [Annaḥlu :36]

Yaa sidgr sēn kenge, ti ad Wēnde, A Naam zēkame, A tumsa zāma fāa pugē tēn-tuuma, ti boond-b n tugd Wēnd tūudumā, Yēnd a Yembre lagem-n-taar ka be ne-A ye, la b kifleg ne būmb ning fāa sēn tūudi zēng sēn ka Wēnde, A Naam zēkame.

la b kō sid ti ad b (tēn-tuumbā) fāa gilli, b yaa yīng rāmba, n yaa rapa, n yaa Wēnd yembse, b yaa sid-rāmba n yaa b sēn sidgb-rāmba, n yaa Wēnd zoetba, n yaa bas-m-yam-rāmba, n yaa kāndagdba, n yaa pægdba, Wēnd keng-b lame ne yel-soalem-rāmba, sēn wiligdi b sidā, la Wēnd sēn tum-b ne yel ninsā fāa gilli b taasame, la b fāa gilli b ra bee sid la kāndagr sēn yaa vēeneg zugu.

la b boollā fāa zemsa taaba, sēn na n sing b singrē n ti tāag b baasgē wā, sā n yaa ne dīinā yēgr wængē, yē me la Wēnd yeembgā -A naam yi wagell n zēke- tūudumā pugē la b ra maan lagem-n-taarā ne-A wā.

Zeng-raoog a nu soaba: yaa kō-sid ne laahr (Yaoolem) raarā

A yeelame A Naam Zēkame: {Yaa Wēnde, soab kae sēn tūud n tlgr rēnda Yē, A na n tigma yāmb neere āndūn-yikr rāarā, sik ka be, la ānd goam sida n le yud Wēnde?} [Annisaa'u 87]

Yaa sidgr sēn kenge, ne būmb ning fāa sēn kēed ne Yaoolem raarā, tōnd Soabā, A naam yi wagell n zēke sēn togs būmb ningā, A Gaf wagellā pugē, maa tōnd Nabiyaamā, a Muhammad, Wēnd puusg la A tlgr be a yīnga, sēn yēs tōndā, wala ninsaal kūumā la yikrā kūumā poorē wā, la alkiyoom raar seg-taabā, la Šafaa'u wā ( sugsgā) la miizaanā (zislem peesgā) la ḥisaabā (Geelgā), la arzānā la Bugmā, la zēng sēn ka rē sēn yag ne Yaoolem raarā.

Zeng-raoog a yoob soaba: yaa kō-sida ne Alkadra (pulengā), a sēn noom la a sēn toe

A yeelame A Naam Zēkame: {ad Tōndo, būmbā fāa D naan-a lame ne geelgo.} {Al-kamaru 49}

Yaa loe sūurē wā ti būmbā fāa sēn paamd bōn-naandsā sēn yaa yela dūni-kāngā puga, ad yaa sēn tū ne Wēnd minim la A kordgo, A Naam yi wagell n zēke, la A rabsgo, Yē, A Yembr tāa, lagem-n-taag ka be ne-A ye. A leb n bāng ti alkadra (Pulung-kānesā) yaa būmb sēn gulse taor ti ninsaal meng na n ka naan ye, la a bāng ti ninsaal me tara raabo la tulsem, la ninsaal n tumd a tuumā hakuk pugē, la rē fāa gillā, a ka yit Wēnd bāngrā la A raabā la A tulsmā pugē ye.

Rēnd kō-sid ne Pulungā a yikda yel a nu zugu:

a rāeenemā: yaa kō-sid ne Wēnd bāngrā sēn gūbg būmbā fāa wā

yīb soaba: yaa kō-sid ti Wēnd guls būmbā fāa sēn na n yi n tug n tāag dūni Yikr raare.

Tāabo: yaa kō-sid ne Wēnd tulsmā sēn yaa tlae ti yi wā, la A tōogā sēn gūbgā, rēnd A sēn tull būmb ningā yitame, A sēn ka tullā ka yit ye

Naase: yaa kō-sid ti Wēnd la būmbā fāa naanda, lagem-n-taag ka be ne-A, A bōn-naandsā pugē ye.

## M zamsda koom yōgbo

A yeelame A Naam Zēkame: {ad Wēnd noanga tuubdbā la A noang ylgdbā} [Al-bakara 222] A yeelame, Wēnd puusg la A tlgr be a yīnga: (Yōge wala mam koomā yōgbā buudu) Sēn be Puusgā yellā bedrem pugē, yaa Wēnd sēn maan ylgre a taorā, n maan ylgrā ti yaa sart ne Puusgā manegre, rēnd yaa yē la Puusgā kulen-bila, la ning a bedrmā f yamē wā a maanda sūurā ti yaa sēn tar noang kegenga n tug Puusgā, A yeelame-Wēnd puusg la A tlgr be a yīnga: (Ylgrā, a yaa lumaoong pusuka, la Puusgā a yaa vēenem) la a leb n yeelame -puusg la tlgr be a yīnga: (Ned ning sēn yōka koom, n maneg a koomā yōkre, a tuum tuuti wā yita a yīngē wā)

Rēnd yamba, a tugda a Soabā nengē, t'a yaa sēn ylge, ylgr ning sēn ne vēenega, a sēn maan tūudūm kāngā sēn yaa koomā yōgbo, la ylgr ninga b sēn ka ne-a ne nifu, ne A sēn maan tūudum-kāngā wā, t'a yaa sēn ylg a pug ne Wēnde, A naam zēkame, n tik Nabiyaamā na-kēndrā sorā, -Wēnd puusg la A tlgr be a yīnga-

Būmb ning sēn sōmb n yōk koom n yaool n maano:

1-Yaa Puusgo, sēn wa n yaa a soab gilli, zem ti yaa farila maa yaa Naafila.

2-Wēnd Roogā gilgrā (Ṭawaafu).

3-Alkurāanā susgo

m yōkda koom la m so ne ko ylenga

Koom sēn yaa yleng yaa: koom fāa sēn sigd saasē wā maa a bulame n yi tēngē wā, n ket n be a yalē wā, t'a sif a tāabā yembr ka tedg ye, yē me la a kōbgā, la a noomā la a yūuga, ka tedg ne būmb ning sēn tōe n yīs-a koom ylgemdē wā ye.

M zamsda koom yōgbo

rāeenem nao-yakemdā 1: yaa Anniy wā, yē me zīigā yaa sūurē wā, la Anniy wā maaneg vōore, yaa sūurā sēn na n loe t'a na n tuma tūudmā, ti yaa sēn na n bao pēnegre ne Wēnde, A Naam zēkame:

Nao-yakemda a yuib soaba 2: yaa nus tala a yuibā pekre  
 Nao-yakemd a tāab soaba 3: yaa noorā wugsgu  
 noorā wugsgu: yē yaa koomā kēesgo noorē wā, n wugs-a rē poorē t'a yuis-a  
 Nao-yakemd a naas soaba 4: yaa yōyā vēesgo  
 Yōyā fēesgo yaa f sēn na n fōog koomā ne f vuusmā n kēes hal yōorā pugē.  
 Rē poorē, yaa fēes n yuis-a: yē me yaa sēn na n yuis būmb ning sēn be yōorē wā, sēn yaa yō-vēto la zēng  
 sēn ka yī rēnda ne fēesgo.  
 Nao-yakemd a nu soaba 5: Yaa nengā pegre  
 Nengā toaaga:  
 Nengā: fo sēn togl ne būmb ningā fāa yaa nenga.  
 La a yalmā tēka: yaa sēn na n sing tubrē wā n ti tāag tubr a yembrā.  
 La sā n yaa woglemā: yaa sēn na n sing zugā zoobd sēn minim n būldē wā, n tug n tāag lemdā tēkē.  
 La nengā pekr gūbga būmb fāa sēn be nengā puga, sēn yaa kōbd sēn yaa faaga, woto bala, ne peelmā n  
 lagem ne tub kōbdā fāa gilli.  
 La sēn yeel ti peelmā yaa būmb ning sēn be tub kōdrā la tub vāogā meng suka  
 La tub kōbdā yē: la kōdā sēn be kōbr ning sēn be tubrē wā n nukā n gūbg tubrā gillā, sēn yēgleg tubrā  
 vōorā, la sēn sedg n sig yepeoogē wā.  
 La woto bala, nengā pekrā gūbgda b sēn ne wā fāa gilli, n naag ne zoob taoko sēn yaa toεnga zoobdā,  
 la būmb ning fāa sēn zorge n yi zoobdē wā.  
 na-kēndr a 6: yaa nus a yuibā pekre, n na n sing nus-biyā zutu, n tug n tāag kāntus a yuibā  
 la kāntus a yuibā kēeda nusā pekrē sēn yaa tlae wā.  
 na-kēndr a 7: yaa zugā fāa saagre, ne nus a yuibā n lagem ne tubā noor vugri.  
 a na n singa zugā singrē, n ti kēng hal kāarē wā, n le lebg n wa ne-ba  
 la a kēes a nus-bi teesdsā a tub a yuibē wā.  
 la a yuisda a nus-raad a yuibā a tuba yungā, n saag ne bāmba tubrā yunga la a pugē wā.  
 na-kēndr a nii soaba 8: yaa nao a yuibā pekre, n na n sing na-biē wā n ti tāag hal na-kugē wā, la na-kug a  
 yuibā kēeda nao a yuibā pekr pugē sēn yaa tlae wā.  
 nao-kug a yuibā bāmb la: kōab a yuib nins sēn nudg karga tēngrā.  
 Koom kaooda ne yel-kāensā:

1-Sēn yit soy a yuibē wā, wala ruudem la we-kεnga, la sēedo, la mani la mazi  
 2-yaa yam yikri, sēn tū ne gōeem sēn zise, maa vūbgri, maa suubu, maa gāeemdo.  
 3-yaa būmb fāa gill sēn maand ti yaa tlae ti b so koom, wala Gεnaabo, la Pekre, la rogem zum.  
 Ned sā n maan we-kεnga, a sōmbame n yēes rēgdā ne koom sēn yaa yilgemde la yēnda sōmblem n  
 yūde, maa zēng sēn ka koom, sēn yaa būmb ning fāa sēn yēesd rēgdā, wala kuga la vāto, la kudse la sēn  
 wōnd rēnda, la ya a yī yēesg a tāabo sēn yilgde maa sēn yūd rē, la leb n yī būmb sēn yaa yilgemde, n yaa  
 būmb Šari wā sēn kō sore.

## **Nao-wuudā la susetsā saagre.**

Sā n mikame ti f ninga nao-wuud a yuibu maa sosetse sakdame ti f saag-b yuibā, n ka tar tulsem n na n  
 pek a nao a yuibā ye, la yaa sēn tū ne sart-rāmba, bāmba la:  
 1- yaa sēn na n mik t'a ning-b lame a sēn yaa yilgemd poorē, n yilg n yi rēg baonego, maa rēg bedre, ti  
 mik t'a rag n pek a nao wā yilgmd-kāngā pugē.  
 2-yaa nao-wuud a yuibā yī yilgemde, n ka rēgd ye.  
 3-yaa ti saagrā yī wakat ning toaag b sēn yāk n kō wā.  
 4. yaa ti nao-wuudā yī n yaa halaale, wala b ra yī b sēn zu maa sēn fā ye.  
 Nao-wuud a yuibā bāmb: yaa būmb ning b sēn pit naorē, ti yaa gāongo n yaa faaga la sēn wōnd rē, la a  
 bilgri yaa wala neoodā nins sēn lut na-kāseng-kāyā.  
 la sā n yaa ne sosets a yuibā, yaa būmb ning ninsaal sēn pit a nao wā, sēn yaa peende, la sēn wōnd  
 rēnda.  
 4- Šari wā sēn kō sor ne nao-wuud a yuibā saagrā hikma (vōore).  
 Šari wā sēn kō sor ti b saag nao-wuud a yuibā, a hikma (vōorā), yaa sēn na yilē n maan ti yī naana la  
 yoise lslaambā zugu, rāmb nins sēn yaa toog ne-ba ti b pidg nao-wuudā n pek nao a yuibā, la sēn tug n  
 yūda waoodā sasa, la wala so-took zugu.  
 Saagrā woglemā:  
 Sā n yaa ned sēn be yiri: yaa raar la yungo, ( wakat 24 pugē)  
 Sā n yaa kēnkēnda, yaa rasm a tāabo, ne b yundā fāa (wakat 72)  
 Saagrā sōorā singda geelgo, a rāeenem saagrā koomā kaoob poorē wā.

Saag nao-wuudā zugu, a stfā wā (bilgrā) sēn yaa a soaba:

1. madgda nus a yībā.

2-kēng ne nugā nao-tagdt wā yīngri, n sung na-biē wā n tug tāag kargā singrē.

3-Saagda ntg na-tallā ne ntg nugā la saag goabg naorā ne goabg nugā.

Būmb ning sēn sāamd saagrā:

1-yaa būmb ning sēn maand ti koom soob yaa tlae wā

2. yaa saagrā wakat sēn na n se

## Koomā soobo

Kēed-n-taar sā n zīndi ne rawa maa paga, maa mani yīi b yībā nengē ne wum-noogo, nenem maa yaa b gōeem wakato, yaa tlae ne b yībā ti b so, bui yīng ti b na tōog n puuse, maa b maand būmb ning yilgr sēn yaa tlae a pugē wā. Woto bala la paga, a sā n yilg n yi Pekre la rogem zum, yaa tlae ne-a t'a so taor t'a na n ka puus ye maa yaa būmb ning sēn yaa tlae ti b yilg n yaool maan-a.

la koomā soob (Stfa) bilgri:

Yaa ti lslaam gūbg a yīnga gill ne koom, a sēn yi neng ning fāa gilli, la sēn be a pugē, yaa noorā wugsgu la yōya fēesgo, rēnda a sā n gūbg a yīngā fāa ne koom, rēg-kāsengā zēk n bas-a lame ti yilgrā yaa sēn pidi.

b gidga ne genaab-soaba yel nins sēn watā hal t'a wa so koom:

01 Puusgo

02 Wēnd Roogā gilgri (Ṭawaafu).

03 Miisr pugē zīnd n kaoose, la sakda ne-a t'a puug bala, n ka zīnd n kaoose.

04 Alkurāanā susgo

05 Alkurāanā karengo.

## Tεema wēebo.

Lislaam sā n ka paam koom a sēn na n yilg a meng ne-a, maa a ka tōe n tum ne koomā bāag yīnga la sēn wōnd rē, la a yēsdē ti Puusgā wakatā na n pōsg-a lame, rēnda a wēeda tεem ne tom.

la a stfā, yaa a wē a nus a yībā ne tēngā vugri n saag a nengā la nus tala a yībā bala. la yaa sart ti tomā yi yilgemde.

Tεema wēeb sāamdame ne yel-kāensā:

1-Tεemā wēeb kaodame ne būmb ning sēn kaood koomā yōgbā

2-Koom sā n paam taor ti yē na ka sing tūudum ning a sēn wē tεemā n na n maand

## M zāmsda Puusgā

Wēnd roglā lslaama, wīndg la yung pugē, Puus-rāmb a nu, bāmb me yaa Fagiri la Zafare la Laasare la Magriba la Sāanfo.

M segendame n na n puuse

Puusgā wakat sā n ta, lslaam yilgda a menga n yi rēg-bāanese la rēg-bēda, sā n mikame t'a rēgma rēgd sēn yaa bedre.

Rēg-bedrā, yēnda yaa būmb ning sēn maand ti yaa tlae ne lslaam t'a so wā.

La rēg-bāanegā, yē yaa būmb ning sēn maand ti yaa tlae ne lslaam t'a yōk kooma.

Lislaam puusda ne fut sēn yaa yilgemde, zīng sēn yaa yilgemde n yi rēgdo, t'a yaa sēn lud a yāndā.

Lislaam nagda ne fut sēn toge Puusgā wakato, n lud a yīnga ne fuugā, la ka sōmb ne rao Puusg pugē t'a vēneg būmb sēn be yūugā ne rūmā suk ye.

yaa tlae ne paga t'a lut a yīnga fāa Puusgā pugē, sā n ka a nengā la a tal a yībā.

Lislaam ka gomd Puusgā pugē, rēnda wala goam nins sēn welge toor ne Puusgā, la a sīndame n kelgd

limaamā, a ka wēnesd a Puusgā pugē ye, la a sā n ka tōe n ruls goam nins sēn welg toor ne Puusgā,

rēnd a tēegda Wēnd Yuure, n maand Subhaanallaah hal n wa ti sees Puusgā, la yaa tlae ne-a t'a yāge n zāms Puusgā la a karem Puusgā gom-biisi.

M zāmsda Puusgā

rāeenem na-yakemdā 1: yaa Anniy wā rikre ne faril ning yē sēn rat n na n kō wā, la a zīngā yaa sūurē wā.

M sēn yōk koomā n se poorē, m teesda Alkiblā n puus ti m yaa sēn yase m sā n tōe rēnda.

na-kēndr a yīb soaba 2: m zēkda m nus a yībā, n yēgl m bāgd a yībā, n yeele:" Allaahu Akbaru" ti m yaa sēn maand m Anniy wā, n na n kē Puusgā pugē.

na-kēndr a tāab soaba 3: m karemda Puusgā pakr doaaga, būmb ning sēn wa n yi Nabiyaamā nengē wā,

la sēn be rē pugē, yaa yeele: (Subhaanaka Allaahumma wa bi hamdika, wa tabaaraka'smuka, wa

ta-`aalaa ḡadduka, wa laa'taaha Gayruka= m Soab a Wēnde, F yilgame, la m pēgd-Fo, F Yuur yi wagelle,

F zislem zēkame, soab ka be zēng sēn ka Foom ye) na-kēndr a naas soaba 4: m kota gūudum n yi a

sutāana, b sēn rig a soab n zāag yolsgā, n yetē: (A´ouzu Billaahı Minaš-šaytaanir-ragiim) na-kēndr a nu soaba 5: m karemda Alhamdo, rakaar fāa pugē, yē me la: D na n singa ne Wēnd Yuurā Albarka, sēn yaa Dūni yols-zāng Naabā, n leb n yaa Sid-kōatbā welg n yols Naabā (1) Pēgr tiging be ne Wēnde sēn yaa bōn-naandsā Naabā (2) sēn yaa dūni gubg-n-yols Naabā, n yaa Yaoolem raar welg-n-yols Naabā (3) n yaa dīinā rolb raar Naabā (4) Foo bal la d tūuda, la Foo bal la d kot sōngre (5) kāndg-d n tug so-tirgē wā (6) B rāmb nins Fo sēn maan neemā b zugā sore, zēng tu pa B sēn gē-b rāmbā, pa sēn menembā sore.(7)) M karemda Alhamdā poorē, būmb ning sēn yaa naana ne maam Alkurāanā pugē, rēenem rakaarē wā la yībē soabā tēka Puusgā fāa pugē, la woto ka būmb sēn yaa tilae ye, la ad yaa keoor sēn yaa zisgo n be a maanegā pugē.

Na-kēndr a yoob soaba 6: m yetame: "Allaahu Akbaru", rē poorē ti m maan Rukuu (zōonde), halt ti m poorā zems taaba n yaa sas, ti m nus a yībā yaa sēn be m rūm a yībā zugu n yaag nus-bi wā, rē poorē ti m yeel Rukuu wā: "(Subhaana Rabiya Al-´Azim" m Soab Zisgā yilgame).

Na-kēndr a yopoe 7:soaba: m roogdame n yi Rukuuē wā, n yeele (Sami´a Allah lman hamidahuu), ti m yaa sēn zēk m nus a yībā n ti zems ne m bāgdā, ti m yīnga yōgne, n yals n yeele: "(Rabba naa walakal hamdu).

Na-kēndr a nii: 8 soaba: m yetame: "Allaahu Akbaru, n maan Suḡuudu m nus a yībā la m rūm a yībā la m na-tagds a yībā la m rīrā la m yōorā zugu, la m yeel m Suḡuuda pugē (Subhaana Rabiya Al-´alaa= m Soab Zēkdgā Naam yilgame)

na-kēndr a wae:9 soaba: m yetame: Allaahu Akbaru= Wēnd n yud bedrem) n rooge n yi Suḡuudē wā halt n wa zīnd zānga, ti m poorā yaa sēn tēege, n zī goobg na-tagdrā zugu, n sel rtg naorā, n yeele: (Rabı ıgrı lu= m Soab a Wēnde, yaaf-ma).

Na-kēndr piig soaba: m yetame: (Allaahu Akbaru) Wēnd n yud bedrem) n lebg n tiuul (maan Suḡuudu) yesa wala rēenem Suḡuudā.

Na-kēndr piig la a yembre: m roogdame n yi tiuulgē (Suḡuudē) wā, n yeele: Allaahu Akbaru= Wēnd n yud bedrem) halt n wa tug n tēege, n yals tirga, la m maanda Puusgā Rakaar-rāmbā sēn kellā fāa pugē, wala m sēn maan rēenem Rakaarā bilgri.

Zafarā la Laasarā la Magribā la Sāanfā rakaar-rāmb a yībā loogr poorē, m zīndidame, n maan Attašahud rēengā, la yē me la: (Attahıyaatu Lillaahı, waşşalawaatu waţţaybaatu, assalaamu ´alayka, ayyuha´nnabiyyu, wa rahmatullaahı, wabarakaatuhuu, assalaamu ´alaynaa, wa ´alaa ´ibaadullaahı aşşaalihuna, aşhadu anlaa ilaaha illa Allaahu, wa Aşhadu anna Muḡammadan ´Abduhuu wa rasuuluhuu = Puus-rāmb be ne Wēnde, fāagr la Yulma be ne Wēnde, Tıgr be ne foom a Nabıyaama, la Wēnd yolsg la A barka, Tıgr be ne tōnd la Wēnd yemb sōmsā, m tabenda m sūurē ne hakuk ti soab sēn na n tū n tılg kae rēnda Wēnde, la m maand kaset t'a Muḡammad yaa A yamb la A Tēn-tuuma) Rē poorē ti m leb n yik n kēng Rakaar a tāab soabā wānde poorē. Raka baasgā poorē, Puusg fāa pugē, m zīndidame n karem Şahd baasdgā, yē me la woto: (Attahı yaatu lillaahı, waşşalawaatu waţţaybaatu, Assalaamu Alayka Ayyuhannabiyyu wa rahmatullaah wabarakaatuhuu, Assalaamu ´Alaynaa, wa ´alaa ´ibaadullaahı Aşşaalihuna, Aşhadu an laa´laaha illallaah, wa Aşhadu Anna Muḡammadan ´Abduhuu Warasuuluhuu. Allahuḡma şallı ´Alaa Muḡammadın wa ´alaa aalı Muḡammadın, kamaa şallayta ´Alaa [braahuma wa ´alaa aalı [braahuma, innaka hamiidun maġiidun, Allahuḡma baark ´alaa Muḡammadın wa ´alaa aalı Muḡammadın, kamaa baarakta ´alaa [braahuma wa ´alaa aalı [braahuma innaka hamiidun maġiidun.) na-kēndr piig la a yīb soaba: rē poorē, m ningda sallem goabg wēengē, n yeele (Assalaamu ´Alaykum wa rahmatullaahı) la m ning sallem m rtg wēengē n yeele: (Assalaamu ´Alaykum wa rahmatullaahı) ti m yaa sēn maan Anniy wā n na n yi Puusgā pugē la woto mam yaa sēn kis Puusgā.

## Lislaam poak hiġaabe (ludbu)

A yeelame, A Naam Zēkame: {Yaa foom a Nabıyaamā! Yeel f pagbā la f kom-pugli wā la muumin-rāmbā pagbā, ti b woglg b fu-bedā n maan ti kill n pēnege, ti rēnd n pē ne b na bāng-ba, n ka maan ti nong ta-b ye, la Wēnd yume n yaa Yaafda n yaa Yolsda} [Al-Ahzaab: 59] Wēnd maaname ti yaa tilae n rog ne lislaam poaka t'a lud a menga la a lud a yāndā la a yīngā fāa gilli n yi ra-zēmse, ne fut ninsi b sēn minimi b tēngē wā. La ka sōmb ne-a t'a yāk a ludbā sā n ka a sid taore maa maa a rog-pētba, bāmb me la neb nins lislaam poak sēn ka tōe n fur-bā, ti ka tōe n furā yaa lae-lae, bāmb me: (Yaa ba, baa t'a sēn n zēke (yaaba), la biiga baa t'a sā n sigi (yagenga), la soom-bi la kāsense la yes-rāmba, la tāo, la tāo biiga la tao poak biiga, la ma sida, la sida baaba, baa t'a sā n zēke, ( yaaba) la sida biiga, baa t'a sā n sigi, (yagenga), la tāo yēseng wēengē, la mo-yēsmd sida. La yēsengā haramda (gidgda) būmb ning sēn gidgid buudē wā)

La lislaam poak gūusda a yeremē wā ye! sānda:

Pipi soaba: yaa yīngā fāa gūbgri.



Yiib soaba: yaa ti pag sēn yer būmb ningā ra yi nagem ye  
 Tāab soaba: yaa t'a ra yi yāasenga n vēnegd a yīnga ye.  
 Naas soaba: yaa t'a yi yalgemde, n ka yi sēka, n wīnigd a yīngā ye.  
 Nu soaba: yaa t'a ra ning-a parfē ye.  
 Yoob soaba: yaa t'a ra wōneg rao fut ye.  
 Yopoe soaba: yaa t'a ra wōneg sēn ka lslaam pogsā futā b tūudumē wā maa b tigā fut ye.  
 Sēn yi Muumin (sid-kōt) sif-rāmbē  
 A yeelamem A Naam Zēkame: {Neb nins ti b sā n tēeg Wēnd yell bi b sūyā rigdā, bāmb bal la sid-kōtba;  
 la b sā n karem A goama me ti b wome, a paasd-b sid-kūuni, la b Soabā me la b bobēnd b mensā.}  
 [Al-anfaalu :2 ]  
 A yaa sid-soaba, a goam pugē a ka yagd zīri ye.  
 A pidsda alkaoole la pulungo.  
 A ka wēngde zabr pugē.  
 A lebsda bobelle.  
 A noanga ne a ma-bi taaga būmb ning a sēn noang ne a menga  
 A yaa kōta.  
 A manegdame n tugd nebā.  
 A tōkda rogem.  
 A yarda ne Wēnd kordga la a puusd-A barka yol-yol sasa la a maand sugri keelem wakato  
 A yaa yān-zoeta.  
 A yolsda bōn-naandsā.  
 A sūurā tlgame n yi sū-kīiri, t'a yīn-wilā tlg n yi maan-n-zuug nebā zugu  
 A basdame ti loogd nebā yīnga.  
 A ka nt rbaaga a ka tum ne rbaaga.  
 A ka yoode.  
 A ka yūud rāam.  
 A manegdame n tugd a yagsā.  
 A ka wēgde, a ka zāmbde.  
 A ka zuudi la a ka maand silem ye.  
 A yaa manegd ne a roagdb a yiibā, baa ti b sā n ka lslaamba, la a tūud b noore manegr pugē.  
 A wubda a koambā zug-wagell zugu, la a wiligd-b Šari wā yela, la a gidg-b n yit zug-wēnse la  
 haraam-rāmba.  
 A ka wōnesd a meng ne zēng sēn ka lslambā tuuma, sēn yaa b dīinā yelē, maa b rog-n-mikā yel nins sēn  
 lebg vūun ne bāmbā.

## Mam sū-noogā mam lslaongā dīinā pugē

A yeelame, A Naam Zēkame: (Ned ning sēn tuma sōma, yaa raoa ti yaa paga, ti yē yaa sid-kōta, D na  
 vums a soab vum sēn yaa ylenga, la D na rol-b keoor sōmblem sēn yud b sēn da yi n tumdā.) [Annaḥlu:  
 97] Būmb sēn tug n yud sēn kēesd sū-noogo la yardo lslaam sūurē wā, yaa a sēn kell n tuk targa ne a  
 Soabā n ka baood ned na kē a suka, zem ti yaa vitbē wā maa yaa kiidbē wā, bi yaa rubse, bala Wēnde, A  
 Naam zēkame, a togsa a Gaf wagellā pugē, t'A yaa pēt ne A yembsā wakat fāa, A wumd-b lame, A  
 reegda b kosgā, wala A sēn yeele, A Naam zēkame: (la Mam yembsā sā n sok foo Mam yelle, rēnd Mam  
 pēeme, M deegda boand boolgo, t'a sā n bool-Ma, bi b maan M sēn na reeg b yīnga la b kō sid ne-Ma ti  
 sānd-sānde b na kānde) [Al-bakara: 186], La A sagla tōndo, A Naam ylgame, ti d kos-A, n maan  
 yel-kāngā ti yaa tūudum-rāmb sēn yud zislem, lslaam sēn baood pēnegr ne a Soabā nengē, ne A sēn  
 yeele, A Naam yi wagell n zēke: {la yāmb Soaba yeelame: "kos-y-Ma ti M na reeg y yīnga} [Gaafir: 60],  
 Rēnd lslaam sēn yaa targa, wakat fāa a tara tulsem n tug a Soabā nengē, la a koat-A wakat fāa, la a  
 baood pēnegr ne Wēnde ne tūudum-rāmb nins sēn yaa sōmā wā:  
 La Wēnd maana tōndo, dūni-kāngā puga, A Naam zēkame, ne būmb ning yīnga sēn yaa bedre, A ka  
 naan tōndo zaalem ye, yē me la Wēnd tūudum, A Yembr tāa, lagem-n-taag ka be ne-A ye. La A maana  
 dīin n kō tōndo sēn yaa Wēnd dīini, sēn gūbg fāa gilli, n kumbd tōnd vumā yelā fāa gilli, sēn welge, la sēn  
 gūbgi. La A leb n gū ne Šari-kāngā sēn yaa tēeg-turgā vumā yel nins sēn yaa tlae wā, yē me yaa dīinā, la  
 d yōyā la d burkīndā la d yamā la d arzagsā. La ned ning sēn vuma n tūud Šari wā saglsā, n zāagd a  
 menga ne haraam-rāmbā, rēnd yē soabā, a gūusa yel-kāensā sēn yaa tlae wā, a vumdame ne zu-noogo,  
 a sēn tar yīn-yōgnego a vumā pugē, sik sēn ka be.  
 La lslaam tōkrā ne a Soabā, a yaa būmb sēn zulme, n maan yīn-yōgnego la bas-m-yam la sū-noogo, n  
 leb n ningd a yamē wā ne Wēnd sēn be ne-a wā, A Naam yi wagell n zēke, la A sēn sōngd-a wā, la A sēn

noang A yambã sên yaa sîd-kõtã, Wënd yeelame, A Naam zêkame: {Wënd la sîd-kõtã lallda, A yiisda bãmba ligsê wã n tugd vëenemê wã} [Al-bakara: 257]

Tök-n-ta-kängã sên yaa zîsgã, a yaa halhaal ninsaal sên wumd-a a yîngê wã, t'a talled-a t'a paam wum-noogo ne Arrahmaan (Yolsg Naabã) tûudum, n tar nonglem kegenga, n na n yek-A, n ykd ne sûurã n tugd zu-noog saagê ne a sên wumde lumaoongã noomã.

noog-kängã, noomã sên ka tõe n bilgã sã n ka ned ning sên leems-a ne tûudumã maanego la yel-wënsã zãagre, rê n kit ti Nabiyaam a Muhammad, Wënd puusg la A tilgr be a yîng, yeele-: (Ned ning sên yara Wënd ti yaa a Soaba, la lîslaoongo ti yaa a dîini, la a Muhammad ti yaa a Tën-tuumã, a lembe sîd-kûun noom.)

N-yeel! Ninsaal sã n ning a yamê wã wakat fãa t'a be a Naandã taoore, la a bãng-A ne A Yuyã la A Sîf-rãmbã sên be neerã, la a tû-A ti yaa wala yê ne-A lame, la a maan pu-peelem a tûudumã puga ne Wënd A Ye tãa, la a ka bao-A ne a tûudumã zëng sên ka Wënd A -Naam yi wagelle - a vumsda vum sên yaa yilgemde n yaa zu-noogo dîni kaanê, la baas-neere Yaoolem raarã.

Hal n ti tãag yel nins sên paamd sîd-kõta dîni pugê wã, ad a tuulmã gõbgdame ne bãng-n-wãakã maasmã la yarda ne Wënd kordgã, A Naam zêkame, la a pëg-A A kordgã fãa sên yaa noogo la sên yaa toogo, la yard sên pid ne-a.

La sên leb n sõmbê ti lîslaam maan noanglem ne-a bul yîng t'a zu-noogã na paase la a yîn-yõgnegã, ya a sên na n tãegd Wënd Yuurã wusgo A Naam zêkame, la a sên na n karem Alkurãan wagellã, wala A sên yeelã A Naam zêkame: (Neb nins sên kõ sîdã ti b sÿyã yõgend ne Wënd Yuurã tãegrã, la ad yaa ne Wënd Yuurã tãegr bala la sÿyã yõgenda) [Ara'adu: 28]. La lîslaam sên paas Wënd Yuurã tãegrã la Alkurãanã karengã fãa, la a pënegrã ne Wënd sên kengde, t'a yõorã yilge, t'a sîd-kûunã kenge. Woto bala, sõmba ne lîslaam t'a bu noanglem ne a dîinã yel karengo, a yëgê wã sên manegã, sên na yil t'a tû Wënde, A Naam zêkame, ne minim, bala Nabiyaamã yeelame, Wënd puusg la A tilgr be a yînga-: (Bãngr baoob yaa tlae n rog lîslaam fãa), La a leb n yi bas-m-meng soab n tû, n pugd Wënd saglsã, A Naam zêkame, Naab ning sên naan-a wã, zem t'a bãngã sagellã võore maa a ka bänge, bala A yeelame, A Naam zêkame, A Gaf wagellã pugê: {La ka segd ne sîd-kõt raoog la sîd-kõat poak ti Wënd la A Tën-tuumã sã n gãneg yell buud n se bi b le tall yam-yãkr b yellã pugê ye, la ned ning sên kusa Wënd la A Tën-tuumã, rênd a menema meneng sên yaa vëenego.} [Al-Ahzaab : 36].

La Wënd na puus la A tilg tõnd Nabiyaamã a Muhammad la a zaka rãmbã la a tûud-n-taasã (Şahaabsã) gilli.

Pidame.

Sebrã buka

Limoro wã

Gom-zugã

Seb-nengã

Leb wagdgê wã

Këng gom-zutã fahas-rãmbê wã (pidsdimê wã).

Pu tõnd fo sên yã gafã wëngê

Wa loog n kaag sit elektronikã (zîigã)

Gafã sên leode n tumd ne nugê bãngã (Telfõndã)

Tök n leb n këng gom-zugê wã

Tök sugã (foto) n lebg n këng wagdgê wã

Eskane QR koodã

Balleg sên yaa karengo poweer põet (PowerPoint)

Tuumdã biisã

Gafã b sên wê n yiisi

Nugê bãng gafo

Zîig Ënternetã zugu

Pak ne poweer põet (PowerPoint)

Gafã b sên segle ti weleg zall ne Ändroyudã limoro

Gom-koεεg sēn nafde, n kō līslaam paalā  
Gomd tuusgo  
Mam Soabā yaa Wēnde  
Nabiyaama a Muhammad, -Wēnd puusg la A tigr be a yīnga-  
Alkurāan wagellā yaa mam Soabā goama.  
M rat n na n bānga Līslaongā zeng-raadā  
M rat n na n bānga Sid-kūunā (Lumaoongā) zeng-raado:  
M zamsda koom yōgbo  
Nao-wuudā la susetsā saagre.  
Koomā soobo  
Τεεμα wēebo.  
M zāmsda Puusgā  
Līslaam poak hūgaabe (ludbu)  
Mam sū-noogā mam līslaongā dīinā pugē